

2  
DE METHODIS  
SVFFVSIONEM OVLORVM CVRANDI  
A CASAAMATA ET SIMONE CVLTIS  
DISSERIT

---

VIRISQVE  
EXPERIENTISSIMIS DOCTISSIMIS  
IO. CAROLO FRIDER.  
KOEPPÉ

ATQVE  
IOHANN IACOB HAASE

MEDICINAE DOCTORIBVS NVPER CREATIS

NOVOS HÓNORES GRATVLATVR

LVDI EXAMINATORII

QVI

VIRVM EXPERIENTISSIMVM ATQVE AMPLIS-  
SIMVM

D. CAR. CHRISTIAN. KRAVSE

FACVLT. MEDICAE LIPSIENSIS ASSESSOREM, REL.

MAGISTRVM VENERATVR,

INTERPRES

CHRISTIAN GOTTHOLD FELLER, M. C.

---

LIPSIÆ,  
IMPENSIS SIEGFRIED LEBERECHT CRVSII  
MDCCLXXXII.

Digitized by the Internet Archive  
in 2016

<https://archive.org/details/b22483421>



EXPERIENTISSIMIS ATQVE  
DOCTISSIMIS  
VIRIS

KOEPPIO

ATQVE

HAASSIO

S. D. P.

CHRISTIAN GOTTHOLD FELLER.

**S**olet illa humanae naturae constans et quasi stabilita lex esse, Amici animo meo carissimi, ut, si quando cuiuscunque generis felicitates amicitiaeque dulcissima gaudia, vel primis labris tantum delibauerimus, ea ocyus

serius nobis triste eripiat fatum. Ac sane vel ego ipse eius inconstantiae iam iuuenis dum permulta testimonia sensi et, proh dolor! nunc sentio quam maxime. Nondum enim ea vulnera penitus occalluerant, quae communis noster amicus experientissimus Knothius profectione sua animo inflixerat, cum ille Vester ex collegio examinatorio atque vrbe discessus denuo recrudescit. Neque vero vel Vobis vel vlli iste dolor iniustus atque superuacaneus videri potest, qui vel vnquam expertus est, quantopere animum angat eorum discessus, quibuscum vrbis Praeceptorumque communio, litterarum aemulatio, amicitiae denique artificissimum vinculum nos coniunxit. Attamen, cum melior fors Vos ad praemia auocet, honoresque nuper acquisitos felici medica pra-

xi coronare constituerit, iam ipse intelligo rem admodum incongruam indecentemque me suscepturum esse, si laetos hosce dies miseris quaerimoniis lamentisque contaminarem. Potius itaque pia vota Vobis apprecor, quae tum huic seculo, tum eorum, quorum nomine haec transcribo, animis, quam maxime respondent. Faxit igitur supremum Numen, ut Vobis natura semper obtemperet, nec unquam sub Vestro ductu a consueto tramite declinet! Ita, si ad scientias Vestras parilis fortuna, quam Cuius senex ipse in Medico requirit, atque ego vel per anticipationem aliquam Vobis spondeo, accesserit, nil sane supererit, quod vel Vos Vobis ipsis, vel ego cum optimis comilitonibus ultro apprecemur. Amicum in me et societatem no-

fram animum vestrum ita probastis hæcenus,  
vt vereor , ne , si de eius perpetuitate solli-  
citus sim , de integritate et sinceritate eius  
dubitare videar. Valete.





**S**i quod morborum genus sit, in quo indefessa medicorum studia multum et cum laude elaborarint, erit sane id, quo oculorum vitia variasque iis medendi vias persecuti sunt. Non enim tantum morborum agmen tercenta et quod excurrit nomina complet, verum etiam variae encheireses in tam diuersis oculorum operationibus accreuerunt, atque quotidie nouis inuentis adhuc crescunt adeo, ut metus sit, ne olim aliquis Ἱατρομαδία, & eos nimiae subtilitatis arguat. Quae cum ita sint, habere mihi videor excusationis iustissimam causam, si hac data oportunitate duas novas methodos simul proferre nullus dubito. Veniam autem hanc lectores mihi eo lubentius concessuros esse plane spero, quod non scribendi pruritu sed necessitate cogente compulsus animum ad scribendum appuli.

Itaque non ineptum existimavi, duas suffusionem curandi Encheireses curatius describere, quarum altera quidem, a CASAAMATA, viro ingenuo, saepius apud nos celebrata, vix non omnium qui, ne dicam medicinae verum humanitatis studio ardebant, oculos animosque haud ita pridem in seconuertit. Siquidem optimus noster Elector, vere AVGVSTVS, ei Dresdae, quorsum CASAMATIVS hinc abierat, ipse interesse non dedignatus est; altera vero, quamvis vel ipso auctoris vitio famae atque celebritatis apud nos saltem parum acquisiuerit, tamen non vtique contemnenda videbatur. Accedit et illud, quod neutra harum operationum, quantum ego quidem memini, hucusque tota descripta est. Quam enim Illustris SOMMERVS in vtilissimo vernaculo libello \*) prioris notionem iniicit, ea tamen in allegato libro non prorsus absoluta est,

\*) Qui inscribitur: *Sammlung auserlesner Abhandlungen für Wundärzte*, 1779. apud Weygandum locus est in 2. Sectione Art. 14. p. 199. vbi etiam Uncum delineari curauit.



est, neque ex ea elucescit, an CASAMATIO Brunouici vlla Cataractae medendi occasio obuenerit? De altera vero, postquam eius autor abierat, ne fando quidem audiui.

His praemissis ad operationes ipsas progrediar, orsus a Casamatiana, vtpote quae ratione temporis proxima est. Mense igitur Maio anni post septuagesimum noni Lipsiam veniebat Ophthalmiater CASA AMATA, qui Italum atque Patauinum Doctorem se profitebatur. Is, ne eum occasio dexteritatem suam in operando demonstrandi deficeret, adduxerat in vtroque oculo coecum aliquem Levcopetrensem ciuem secum, in cuius curatione tertia post eius aduentum die operationes suas auspicabatur. Cumque adiali hac curatione vix non omnium Lipsiensium Medicorum atque Chirurgorum expectationi satisfecisset, aduolabat ad eum magnus aegrotorum numerus, quorum vel quadra-

ginta cataractas extraxit, \*) ego vero harum operationum vel quatuor et viginti, Magnificum BOSIVM, optimum patronum, plerumque secutus interfui; ex iisque laudatam methodum describere allaborabo.

Ne vero sine ordine progrediar, primo de praeparatione, deinde de ipsa curatione atque deligatione, nouissime de supellectile, qua in operando utebatur, pauculis differam.

Ante curationem quidem ducebat aegris aluum, sanguinemque, si is labem aliquam contraxisse videbatur, edulabat, abundantem vero emittebat; In his autem omnibus rationalem quidem chirurgum, neque vero praeterea quidquam animaduersione dignum deprehendi, praeter hoc, quod is in praeparatione

\*) Praeter cataractae operationem suscipiebat optimus Vir vix ullam aliam. Hoc tamen memini, eum fabro cuidam ferrario, cui chalybis frustulum in cornea haerebat, magnetis ope ad imitationem HILDANI extraxisse, quem extrahendi modum ab uxore sua didicisse refert HILDANVS, Cent. V. Obs. XXI.

ratione aequae ac post curationem millepedes saepius adhiberet.

In ipsa autem *Ἐνχέισσει* sequens admodum concinnus modus, se atque aegrum collocandi, prius considerandus venit. Mensam nimirum mediae altitudinis apponebat in fatis lucido conclaui, quod velorum ope inter operandum obscurari poterat, mediae plerumque fenestrae, ante hanc vero tres sellas, ita collocabat, ut earum sedes fenestrae aequae ac mensae aduersae essent. Mensae operator, aegrotus medio aduerso sedili insidebat, chirurgi pedes vero reliquis duabus sellis fulciabantur \*). Hac ratione positus chirurgus reclinabat aegroti caput paululum illudque, postquam alterum oculum taenia obscurauerat, admi-

\*) Quantum ad felicem operationem commodus firmusque situs conferat, intellexit iam FABRICIVS HILDANVS qui singulare in hunc usum fabrefactum Scamnum invenit et in Cent. IV. Obs. XVI. depingi curavit. Attamen haec CASAMATHI inventio illud scamnum longe superat, tum quia ubicunque locorum parari potest, tum etiam ob id quod spectatorum turbam, quae operanti saepius molesta est, egregie arceat.

administro alicui firmandum dabat, qui etiam alterutra manu superiorem palpebram vulgari oculi speculo, lato nimirum obtusoque vnco Fig. 3. lit. a) indigitato leuabat. Inferiori palpebrae vero immittebat simile sed minus speculum, vt ex eius inferiore vnco ponderis ergo dependens clauicula palpebram deprimeret. Tum inclinabat CASAMATIVS corpus anteriora versus, cubitos genubus imponens, atque manu altera scalpello, Fig. 2. altera vnco, Fig. 1. armata, operationem auspicabatur.

Immittebat nimirum vnci spinam c) Fig. 1. in corneae interiorem marginem, ad distantiam dimidiaae lineae ab albuginea, eodem vero temporis momento e regione scalpelli mucronem adhibebat, eoque per corneae diametrum propulso, punctum, quod vnci spina fecerat, attingere annitebatur. Postquam vero scalpelli cuspis in ea regione corneam secundum transfoderat, remotum vncum invertebat ita, vti in quarta figura expressum est, quo cultelli gibbera superficies super vnci minorem

norem curuaturam gliscere, neque tamen sua acie profundius coniunctiuam vsque secare posset, sicque scalpellum leniter protrudendo perficiebat sectionem ipsam, eamque semicircularem, cuius diameter esset ipsius corneae diametrus transuersa. Vbi illa facta erat, commutabat instrumenta, atque altera manu latam depressoriam acum \*), altera spatulam seu cochleare dauielianum aliquod sumebat. Hoc resectam corneae partem leuabat, illo lentis capsulam destruere lenique vacillatione cataractam ad exitum praeparare moliebatur. Hoc ipso autem temporis momento fenestras velis operiri iussit, quo facilius, adhibita leni bulbi pressione \*\*), per ampliata pupillam suffu-

\*) Vel aliquando etiam Tenonianum cystitotomum, cuius iconem vide in Richteri Abhandl. vom grauen Star. sub lit. D.

\*\*) Vitrei humoris effluxum, qui vel quater pressionem subsequabatur, vilipendebat Casanati cum Richtero atque Stollio, neque ego aliquem aegrotorum inde noxam aliquam tulisse memini, quamvis in vno vel paruum cochleare effluxerat. Quid quod, Stol-



suffusio ex interiori sede progredieretur. Omnia haecce autem admodum celeriter fiebant; in primo enim coeco, vtriusque oculi operatio intra quatuor minutorum spatium absoluebatur.

Ac haec quidem statuta methodus erat, quam si fieri poterat, semper persequeretur. Quod si vero, idque aliquoties accidisse vidi, corneae iusto minus vulnus cataractae egressum denegabat, tunc utebatur recta forficula quae vulnus ampliando eius exitum faciliteret. Hoc igitur modo omnis generis *ιποχύματα*, lactea, caseosa, purulentaue fuerint, extraxit, vno excepto, quod eo ipso tempore, cum cystidem perfodere vellet, ima perrebat adeo, ut extractionis loco veram depressionem per pupillam celebraret.

Si quondam, quod in colliquatis suffusionibus potissimum fieri consuevit, caseosae materiei

Stollius etiam in Rat. Medendi. p. III. p. 445. effluxum hunc diram Ophthalmiam mitigare contendit.



teriei grumi adhuc pupillae inhaerebant, illi per anellianam Syringam, cuius cannula tamen aliquanto maiori orificio instructa erat, aqua tepida, cui tantillum spiritus vini adiectum erat, cluebantur. Abscissae laciniae ad vulnus lenis applicatio, palpebraeque obductio erant operationis partes. Deligationem vero variis modis Virum dexterrimum instituisse memini; in prioribus enim aegrotis adhibebat fasciam, \*) cui duae Spongiae vnum transuersum digitum a se distantes adsutae erant, quas aqua, cui spiritus vini tertia adiecta erat, madefactas oculis superimponebat. Ipsa vero duobus foraminibus exsecta fascia concedebat, ut per syringam nouus humor adlici spongiis posset. Postea vero in reliquis operationibus, tantum linteis carptis eodem humore madentibus aegrotos deligabat. In reliqua cura-

\*) Eandem fasciam describit Ill. Sommerus. l. c. p. 207, ita tamen ut, an ea a Casamatio, an potius ab optimo Sommero inuepta sit, non elucescat, quod tamen vltimum mihi admodum verosimile videtur.

curatione plane nihil, quod a communi ratione declinaret, inueni; venae sectiones enim, in iis, quorum animus alma luce valide commotus erat, vesicatoria, leniaque laxantia adhibuit ingenuus Casamata ita, ut illud a rationali chirurgo expectari potest.

Haec de Viro eiusque methodo in vniuersum dicta sunt; propositus ordo postulat, ut ad eius supellectilem progrediamur. Ac in ea quidem primariam attentionem mereri videtur vncus \*) Fig. I. ad romanae litterae S imaginem flexus, quo inter operandum oculum firmabat. Constat is (vid. Fig. I.) ex manubrio, a) vnco, b) eiusque spina; ad ipsam vero spinam duas rotundas alas eliminatas habet

\*) Manubrium nostrae iconis differt quidem ab illo, quod Ill. Sommerus l. c. delineari curauit, siquidem illud, rotunde tornatum, nostrum vero, superficiebus instructum est, quod galli *taillé à pans* dicunt. Nos vero hoc tum ea propter quod Casamatus etiam eiusmodi manubrio instructum vncum habebat, tum quod illud firmiter teneri potest, potissimum eligimus.

bet, quibus spinae vltior in oculum ingressus atque cum hac iuncta iridis laesio praecaveretur.

In operando vero index maiori flexurae incumbit, manubrium autem reliquis digitis eo quem tertiae figurae littera d) quodammodo commonstrat, modo tenetur. Culter, Berengariano quidem vtcunque similis, concavam atque gibberam superficiem monstrat, quarum haec inter operandum iridem a scalpelli acie remouere, illa, operanti aduersa, aquoso oculi latici effluxum concedere debet. Differt ille tamen a Berengariano, Wenzeliano atque Richteriano ratione figurae atque crassitiei (quam dissecta superficies Fig. 2. lit. b\* distincta exhibet) admodum; neque ego, an ex hac differentia commodi aliquid redundet, definire ausim, cum ea, quae Casamatus ratione remotionis iridis adducebat, metum pressionis quae in tanta crassitudine cultri non medicoris esse debet, neutiquam remouerint. Geminis huius generis cultris, opus chirurgo esse ex descriptione quisque intelligit.

Iam specula speculemur. Eorum superius vulgare Chefeldenianum siue obtusus pauloque latior vncus, inferius operatoris inuentum erat. Hoc ex argentea framea, vnum et semissem pollicem longa, in vtroque fine, opposita latera versus flexa formatum est, quapropter illud etiam satis facile in aliam formam, si quando aegrotorum nimis tumidae genae maiorem curuaturam deposcebant, a chirurgo flectebatur. Reliquorum instrumentorum, vti clysteris oricularis Anelliani, cochlearis Dauieliani, et acus, qua cystitotomi loco utebatur, enucleatio, omnino taediosa esset; itaque praeter nomina nihil vltro addam.

Ad alteram potius progrediar methodum, cuius autor SIMON quidam, Gallus, duos annos ante CASAMATIVM Lipsiam veniebat, et paulo post ceu *ὀλιγοχρόνιον Φάντασμα* euanescebat. Is etiam coecum aliquem colonum ceu victimam secum adduxit, eamque altero post aduentum die misere et quidem sequenti ratione mactauit. Cum nimirum medicorum  
atque

atque chirurgorum magna caterua, conuenisset, aegrotusque sellae, in qua operationem postea patiebatur, insiderit operator tamen nullus comparauit, quippe genubus incumbens in sua diaeta, ceu de salute desperans, deprehendebatur. Accersitus tandem veniebat spiritum frumenti egregie redolens, statimque rem desperatam aggrediebatur.

Primum quidem duas sellas sibi inuicem aduersas in medio fere conclauī posuit, demissiori aegrotus, fenestram respiciens, altiori chirurgus insidebat. Postmodum obligabat dextrum oculum, et alicui chirurgorum caput firmandum dabat. In palpebrarum diductione vero, pressionem digitis ministri factam sufficere opinabatur; cumque hoc ob continuam illacrymationem, plane fieri non posset, nullum tamen ei auxilium in hunc diem usque subuenisse crediderim, nisi chirurgorum Lipsiensium aliquis lintea pura, quibus minister digitos muniret, suppeditaasset. His ita dispositis, dextraque scalpello Fig. 5), sinistra retinaculo



Fig. 7. instructis operari incepit ita, vt retinaculi cuspidem super nasi radicem oculum versus dirigens interno corneae margini, cultelli vero mucronem opposito lateri infingeret, \*) deinceps vero hoc vrgens sectionem perficeret fere parabolicam.

Ac hucusque quidem tolerabilis adhuc fuisset operatio, cum vero ad obscuratae lentis exitum ventum esset, tunc prohi dolor! chirurgi animus consilii expers maxime apparuit. Cum enim totam lentem arachnoideamque simul eliminare, illudque dauieliano cochleari, quamuis id ob adhaerentem capsulam plane fieri non poterat, efficere conaretur, perfodiebat posteriorem oculi cameram miserabiliter, ipsamque iridem vehementer vexabat. Tandem vero cum lentis frustra vohellae atque cochlearis ope extraxisset, operationem finiebat, cuius duratio in utroque oculo horae

\*) Hoc, quod ex chirurgi mente, vno temporis momento fieri debuisset, titubantes eius manus post quinque vel sex conatus demum perficiebant.



horae et quadrantis spatium emetiebatur. Insequens deligatio simplicissima erat, siquidem plumaceolis, ex aqua vulneraria expressis, simplicem contentiuam fasciam iniiciebat, fascia vero mitrae aciculis ope annectebatur. Quamuis vero aegrotus tam multa perpeffus esset, videbat tamen statim post operationem, grandiora obiecta ceu per nebulam, quam tamen laetitiam necessario subsequens vtriusque oculi exulceratio sustulit. Neque vero SIMON ceu alter Stylites pedem Lipsiae figebat, verum potius, altera post operationem die clanculum sese subduxit.

Iam vero quae de viro eiusque dexteritate si Diis placet, hucusque dicta sunt, ea tamen ad eius Instrumenta etiam referenda esse neutiquam videntur, cum praeprimis eius retinaculum, nisi in suffusionis curatione, saltem in aliis oculorum operationibus omnino in usum vocari possit; qua de causa etiam eius fabricam, paulo fusius declarare apud animum constitui.

In orichalceo nimirum cauo Parallelepipedo, cuius veram magnitudinem septima Icon sub littera d) habet, decurrunt duae chalybeae laminae, quarum altera a) eaque inferior lanceolata cuspide praedita, altera vero, h. e. superior, in obtusum capitulum elimata est; remoram hanc recte dixeris, siquidem lanceolae ulteriolem ingressum in corneam coerces. Quaeque harum laminarum habet in posteriori fine cochleam foeminam quae, cochleas mares e) in se recipiens, illam instrumento eo modo annectit, ut utraque lamina antrorsum retrorsumque in sulco g) moveri, atque ea ratione lanceolae longitudo temperari possit. Vtriusque laminae situm vero alatae cochleae c) pressio firmat, cuius ut et eburnei, superiori in parte nigra linea distincti manubrii ulteriori descriptione non opus est, cum ea commodius in tabulis cerni ac describi possint.

Cultellum vero, quod attinet, habet ille si latitudinem, longumque cultelli collum exceperis, omnino cum Sharpiano \*) similitudinem, nisi quod eius triangularis lamina, maximam latitudinem corneae radio respondentem, vtramque superficiem concavam, dorsumque paulo crassius habet; quae omnia autem laminae dissectae superficies Fig. 5 b\* vberius exhibet. Neque sane mihi vltro ambiguum est; hoc ipso cultello idem, quod aliis effici potuisse, dummodo dextera chirurgi manus, quae utique primarium instrumentum est accessisset. Quod idem etiam iudicium de nostri retinaculo tulerim, quod quamquam cum pamartiana oculum firmante acu, hoc incommodum habeat, quod illud supernasum applicari debeat, videtur tamen in Ὀφθαλμοζύται verbi causa, et ea chemoseos specie quae sanguinem inter coniunctivam adque adnatam effusum habet reliqua instru-

B 4

menta

\*) Qui graphice delineatus est in: Philosoph. Transact. vol. XLVIII, P. I. pag. 161.

menta, ratione securitatis certe superare. Quae enim post Woolhoufiani βλεφαρόξυσου<sup>1</sup> expulsionem, in chirurgorum scholis lanceolae in emplastrum inuolutio commendatur, ea tamen utique chirurgum non tam securum facit, ac nostrum instrumentum, quod lanceolae vulnus atque eius profunditatem ad capilli crassitiem determinat. \*) Idem de paracenthesi in hydrophthalmo, de puris in hypopyii emissionem dicendum est, in quibus tum Mauchartii acum triquetram, tum etiam Woolhoufii lanceolam longe antecellit. Cum enim neque illius cannula in oculo tuto relinqui possit, neque haec alium ac vulgaris lanceolae usum praestet, ambo instrumenta vero in determinatam in oculum irruendi, quod saepius sine chirurgi culpa fieri potest, licentiam habeant, praerogatiuam sane merebitur nostrum, quo, sine incon-

\*) Memini quidem me saepius Hebenstreitium palpebrae scarificationem simplici lanceola perficientem admiratum fuisse, at vero quis vitio vertat, si in tanta HEBENSTREITIORVM raritate de securioribus instrumentis cogitauerimus?

incongruae læsionis metu sufficiens vulnus oculo infligitur.

Supereffet adhuc vt aliquam harum operationum commendationem, vel saltem laudes, quas extractio præ depressione mereatur, subiungerem, iam vero, cum doctissimorum virorum labores rem nondum composuerint, esset id temerarium si ego, vtpote artis tiro hancce litem dirimere conarer. Potius Casamatii vltimam acu institutam operationem quae eo intuitu mihi integrorum voluminum instar fuit, succincte apponam. Cum HEBENSTREITIVS clarus apud nos et suarum rerum gnarus chirurgus, methodum Casamatae aemulatus fuisset, seque depressionem etiam calere atque exercuisse pronuntiaret, pollebatur hic, eius quoque operationis specimen ante decessum se editurum esse, promissisque paulo post stetit. Elegerat sibi in hunc finem publicis eleemosynis sustentatam, ex suffusione coecam, et inde ab aliquot annis ob trichiasin lippientem aniculam; priori, per acum



alteri, per argenteam vulsellam mederi decreuerat.

Ac quamuis quidem omnino quaeri possit, liceatne, in tanto Ophthalmiae metu recte cili-  
 lorum admodum irritantem euulsionem suscipere, nos tamen de hac re, vti et de ipsa non ita bene instituta euulsione nihil dicamus, potius depressionem ipsam aggrediamur.

Perficiebat autem eam ante aegrotam stans ita, vt sinistra palpebras diduceret, dextra vero lanceolam teneret, cuius puncto in consueto scleroticae loco instituto acui, quae Brissouiana erat \*) viam parabat.

Vix autem immerferat acum, cum statim totam anteriorem cameram inundans lacteus humor rei peruersum statum declarabat. Quamuis vero operator acu extemplo remota, corneae inferiorem marginem incideret, atque syringae anellianae applicatione, effusum humo-

\*) vid. Heisteri Instit. Tab. XII. Fig. 5. theotifcae edit.



humorena eluere moliretur, fiebant tamen omnia isthaec incassum, quandoquidem bulbi suppuratio, omnem visus recuperandi spem penitus tollebat. Num vero in tanta diuersorum cataractarum genera diagnoscendi incertitudine,\*) quae ipsum CASAMATIVM cui sane multae cataractae obuenerant fefellerat, depressio extractioni adhuc anteponenda sit, eorum, penes quos vberior experientia limatiorque mens est, iudicium esto.

ICO-

\*) Hanc nostram sententiam vix, locupletiori, quam illustris RICHTERI autoritate confirmare valemus. qui l. c. p. 10. omnia cataractarum generum signa sibi imposuisse, expressis verbis scribit.

## ICONVM EXPOSITIO.

Fig. 1ma Vncum et quidem litt. a) manubrium, b) vnci corpus, c) spinam, c\*) eandem naturali magnitudine bis maiorem indigitat.

Fig. 2da a) Casamatiani scalpelli manubrium, b) laminam b\*) laminae ad perpendicularum dissectae superficiem habet.

Fig. 3tia a) superioris speculi imam partem, b) inferioris situm appensamque claviculam, c) vncum, d) chirurgi manum, e) scalpellum, significant.

Fig. quarta vero, a) inuersum vncum, b) dissectam corneam exponit.

Fig. quinta Simonis cultellum, ita vt a) manubrium, b) laminam, b\*) eam dissectam demonstrat.

Fig. sexta a) Simonis retinaculum, b) vero cultellum demonstrat.

Fig.

Fig. 7. Retinaculum idem, a latere et superiore superficie considerandum exhibet. In utroque autem schemate literarum idem, isque sequens significatus est, ut nimirum a) lanceolae cuspidem b) huic incumbentem remoram, c) cochleam alatum, d) instrumenti corpus in cuius sulco capitatae cochleae e) decurrunt, f.) vero manubrium g) sulcum significet, a\*) et b\*) autem, lanceolam atque remoram ex thecula d) exempta ob oculos ponit.







